







loan from Country Lib.
OCT 31 1999

滯通經湯

治脾濕有餘氣不宣通面

目赤

腫脹悶而痛即五苓散減猪苓桂加陳皮木香

金飲子

治脾胃受濕腹脹米穀不化飲食不

之身體沉重肢節酸疼皮膚微腫

胃散

桑白皮炒酪為末每服二三錢入姜

煎服

濕湯

半夏曲

炒厚朴

蒼木

銛二藿香葉

橘紅

白木

白茯苓

銛各一

炙甘草七

姜三片水煎服

白朮酒 治中濕口噤不知人

白朮一兩酒二鍾煎至一鍾不拘時服不飲酒

以水煎

撫芎湯 濕流關節臂痛手重或自汗頭眩痰逆

惡心

撫芎

白朮

橘紅各一兩甘草五錢

每服五錢姜七片水煎服

黃芪湯 風濕相搏脉沉而絃客在皮膚四肢少

力關節疼痛

黃芪五兩橘紅二兩甘草兩白茯苓半兩

防風四兩

右每服六錢姜三片棗一枚水煎服

羌活勝濕湯

羌活 獨活 錢各一 藁本 防風

甘草多 川芎各五分 蔓荊子三分

水煎空心溫服

如身重腰沉、然加酒洗防已五分輕者附子

五分重者川烏五分

肩熱滲濕湯

黃連

茯苓

澤瀉

各一錢

黃栢

鹽水炒二錢

蒼朮

白朮

各半錢

甘草

五分

水煎服

如單用滲濕去連栢加陳皮乾姜

垣參朮湯

潔古云起卧不能謂之濕身重是

也此方主之治脾胃虛弱元氣不能榮養心肺

四肢沉重食後昏悶

黃芪

二錢

人參

陳皮

青皮

各五分

升麻

柴胡

各三分

甘草

各四分

酒黃栢

三分

神曲

七分

蒼朮

一錢

當歸

二分

水煎食前帶熱服

燥門

明燥篇

生生子曰諸書視燥為風熱為血少是固然矣予

謂諸書僅言病機耳而令氣則未之及也夫燥

是六氣中五之氣也運氣六化篇已明言之其

論曰在地成形在天為氣行有五而氣有六以

分君火相火之化六氣化者謂寒濕暑燥風火

也乃天之元氣然後三陰三陽上奉之謂之標

六氣皆有一化舉大槩也而難經亦曰辛商也

丙之柔則金之化明矣觀運氣以卯酉為陽明燥金司天者又豈無所本哉夫金者西方之氣在人主肺運氣所以不言肺而言陽明者緣肺為華蓋雖陰臟居膈上處陽之部位必待陽而後發故屬陽明也金之化清與燥王於秋為五之氣主秋分后六十日有奇自斗建酉正至亥之中天度至此清氣乃行萬物皆燥也一事之間有此必然之勢亦有此必然之理也何以然乎辛為丙婦帶火之氣故燥乎故曰燥

內經病機云諸澁枯涸乾勁皴揭皆屬於燥

燥本風熱論

原病式云經曰風熱火同陽也寒燥濕同陰也又燥濕小異也然燥雖屬秋陰而異於寒濕故反同其風熱也故火熱盛金衰而風生則風能勝

濕熱能耗液而反寒陽實陰虛則風熱勝於水
濕而為燥也凡人風病多因熱甚而風燥者為
其兼化以熱為其主也然陽實陰虛而風熱太
甚以勝水濕因而成燥肝主於筋而風氣自甚
又燥熱加之液還聚於胸膈則筋太燥也燥金
於取勝勁切緊濇故為病筋脈勁強緊急而
也或病燥熱太甚而脾胃乾涸成消渴者
熱燥甚怫鬱在表而裏氣不舒善伸數欠
筋永拘急或時惡寒或筋惕而搐脈浮數而絃

也風熱燥并鬱甚於裡故煩滿而或悶結也及
風癇之發作者由熱甚而風燥為兼化涎溢胸
膈而瘕瘕昏冒僵仆也凡此諸症皆由熱甚而
生風燥各有異者由風熱燥各微甚不等故也
所謂中風或筋緩者因其風熱勝濕而為燥乃
燥之甚也然筋緩不收而痿痺及諸臍鬱病痿
皆屬金肺乃燥之化也如秋深燥甚草木痿落
而不收病之象也是以手得血而能握足得血
而能步夫燥之為病者血液衰少也而又氣血

不能通暢故病然也

論結燥病本不同

東垣曰金匱真言論云北方黑色入通於腎開竅於二陰藏精於腎又云腎主大便大便難取足少陰夫腎主五液津液潤則大便如常若飢飽勞逸損傷胃氣及食辛熱味厚之物而助火邪分於血中耗散真陰津液衰少故大便結燥然結燥之病不一有熱燥有風燥有陽結有陰結又有年老氣虛津液不足而結者治法云腎惡

燥急食辛以潤之結者散之如少陰不得大便以辛潤之太陰不得大便以苦瀉之陽結者散之陰結者熱之仲景云大便秘硬小便利不可攻下以脾約丸潤之食傷太陰腹滿食不化腹响然不能大便者以苦藥瀉之大抵津液耗少而燥者以辛潤之有物而結者當下之若不究其源一槩用巴豆牽牛之類下之損其津液燥結愈甚有復下復結極則以至引導於下而不能通者遂成不救之症可不慎哉

劉宗厚曰按此只是論結燥言裏証也河間所論則兼表裡而言

首經統旨曰燥是陽明之化雖因於風熱所成然究其原皆本於血虛津液不足所至者為多何也蓋陰血虛則不能榮運乎百骸津液衰則無以滋養乎三焦由是邪熱怫鬱而燥變多端或燥於外歟則皮膚皴結或燥於內歟則精血枯涸燥於上咽鼻焦乾燥於下便溺閉結治之者外以滋益之內以培養之在上清解之在下通潤之務使水液自生而燥熱不容於不退矣

張子和治一婦人大便燥結小便淋澀半生不娠惟常服疎導之藥則大便通利暫廢藥則結滯忽得孕至四五月間醫者禁疎導之劑大便依然常為難臨圍則努力為之胎墜者三又孕已經三四月弦望前後溲溺結澀其分胎墮乃訪戴人戴人診其两手脉俱滑大雖滑大以其且孕不敢陡攻遂以食療之用花碱煮菠菱葵菜以車前子苗作茹雜猪羊血作羹食之半載居然

生子其婦燥病方愈

戴人曰予見孕婦利膿血下迫極努損胎但同前法治之愈者莫知其數也為醫拘常禁不能變通非醫也非學也識醫者鮮是難說也

又治一男子年六十餘病腰尻脊膝皆病數載不愈晝靜夜躁大痛徃來屢求自盡天年且夕則痛作必令人以手槌擊至四五更鷄鳴則漸減向曙則痛止左右及病者皆作鬼神陰譴白虎齧朝禱暮祝覘巫僧道禁師至則其痛似減又

夢鬼神戰聞山川神廟無不祭者淹延歲月肉瘦皮枯飲食減少暴怒日增惟候一死有書生曰既云鬼神虎齧陰譴之禍如此禱祈何無一應聞陳郡有張戴人精於醫可以問其鬼神白虎與病乎彼若術窮可以委命其家從之戴人診其兩手脉皆沉滯堅勁力如張絙謂之曰病雖瘦難於食然腰尻脊膝皆痛者必大便堅燥其左右曰有五七日或八九日見燥糞一兩塊如彈丸結硬不可言曾令人剗取之僅下一兩

塊渾身燥痒皮膚皺揭枯澀如赭片戴人既得
 病之虛實隨用大承氣湯以姜棗煎之加牽牛
 頭末二錢不敢言是瀉劑蓋病者聞煖則悅聞
 寒則惧說補則後說瀉則逆此弊非一日也而
 况一齊人傳之衆楚人咻之乎及煎成使稍熱
 熱之從少至多累至三日夫且晚臟腑下泄四
 五行約半盆以灯視之皆燥糞燥痺及瘀血雜
 臟穢不可近須臾痛減九分昏睡鼻息調如常
 人睡至明日將夕始覺飢而索粥温凉與之又

困睡一二日其痛盡去次令飲食調養日服導
 飲丸甘露飲滑利便溺之藥四十餘日乃復鳴
 呼世傳三十六虎書三十六黃經及小兒三十
 六吊誰為之耶始作備者其無後乎古人以醫
 為重故医之道行今之人以醫為輕故医之道
 廢學者自局於術藝病者亦不擇精粗一槩待
 之常見官医迎送長吏馬前折腰真可羞也由
 是博古通今者少而師傳遂絕灵樞經謂刺與
 汗雖久猶可拔而雪結與閉雖久猶可解而决

去腰脊膀胱痛者足太陽膀胱經也膀胱痛足少陽
 膽經之所過也難經曰諸痛為實內經曰諸
 痒瘡瘍皆屬心火注曰心寂則痛微心躁則痛
 甚人見巫覡僧道禁師至則病稍去者心寂也
 然去其後來者終不去其本也古之稱痛隨利
 減不利則痛何由去病者既痊乃壽八十歲故
 凡燥症皆三陽病也
 內經燥治法燥淫於內治以苦溫佐以甘辛以辛
 潤之以苦下之

治風之劑

機要大秦芎湯 治血弱陰虛不能養筋、燥、

手足不能運動指爪乾枯屬風熱甚者

秦芎 石膏 酪二 甘草 川芎

當歸 芍藥 羌活 獨活

防風 黃芩 白芷 生地黃

熟地 白朮 茯苓 酪一 細辛 五錢

春夏加知母一兩

右剉每服一兩水煎服 天陰雨加生姜七片

麻仁丸

郁李仁

麻仁各六兩

檳榔五錢

大黃二兩五錢

山藥

防風

枳殼炒各七錢半

羌活

木香

各五錢半

右為末煉蜜為丸如梧子大每服二三十九

溫湯下

東垣潤腸丸

治脾胃中伏火大便秘澁或乾燥

閉塞不通全不思食乃風結秘血結秘皆令閉

塞也以潤燥和血踈風自然通矣

麻子仁一兩 羌活

歸尾

大黃煨

皂角仁

秦艽

各五錢

薤仁

去皮尖一兩

右除二仁另研餘為末煉蜜為丸如梧桐子

大每服三五十九食前白湯下

又有潤燥丸一方於本方加郁李仁防風

東垣導滯通幽湯

治大便難幽門不通上冲吸

門不開噎塞不便燥閉氣不得下治在幽門以

辛潤之

當歸

升麻

桃仁

另研各一錢

紅花

三分

生地黄 熟地各五 甘草各三

右水煎調換御末五分

加大黃名當歸潤燥湯

脾約丸

麻仁一兩二錢半 枳實

芍藥各二兩 大黃蒸四兩

杏仁去皮尖炒

為末煉蜜丸如梧子大每二三十九溫水下

潤身丸

郁李仁 大黃

桂心 黑丑

當歸 黃栢各五錢 輕粉少許

右為末水丸梧子大每服三四十九溫水下

滋燥養榮湯 治皮膚皴揭筋燥爪枯

當歸酒洗二錢 生地黄 熟地黄 白芍

秦艽 黃芩各一錢五分 防風 一錢 甘草 五分

水煎服

大補地黄丸 治精血枯涸燥熱

黃栢鹽酒炒四兩 知母鹽酒炒二兩 枸杞子三兩 熟地四兩

山藥三兩 山茱萸 白芍各二兩 生地黄二兩

當歸 三兩 玄參

肉蓯蓉 酒浸各一兩半

右為末煉蜜丸如桐子大每服七八十九

心淡鹽湯送下

清涼飲子 治上焦積熱口舌咽鼻乾燥

黃芩

黃連

薄荷

玄參

川歸

芍藥

甘草 一錢

水二鍾煎八分不拘時服大便秘結加大黃

東垣清燥湯 治濕熱成痿以燥金受濕熱之邪

是絕寒水生化之源、絕則腎衰痿厥之病大

作腰已下痿軟癱瘓不能動方在注夏

半硫丸 治冷秘風秘結老人秘

透明硫黃 研

半夏 洗七次

各等分為末生姜糊為丸梧子大每服二十

丸姜湯下或用菟白一條姜三片煎入阿膠

二片溶化食前空心送下

寒門

明寒篇

生生子曰寒冬之令氣也六之終氣也水之所司
 腎為之主運氣六化篇田冬之為言終也素問
 天元紀大論篇鬼臈區曰道生智玄生神神在
 天為風在地為木在天為熱在地為火在天為
 濕在地為土在天為燥在地為金在天為寒在
 地為水又五行大論篇曰北方生寒寒生水
 生醎醎生腎在體為骨在氣為堅在臟為腎

卷四十五

四十五

性為凜其德為寒其用為闔其色為黑其化
肅故造化非嚴凜殺厲以固閉之則無以藏
微陽為春生之本故曰冬令嚴寒萬類潛藏
子固密啓玄子曰冬三月此謂閉藏水冰地坼
無擾乎陽夜卧晏起必待日光示人隨時調攝
也設令防閑少疎彼躰虛者觸冒之傷太陽寒
水之經而為外感之証即時而病頭項痛腰脊
強脉浮而緊名曰傷寒其症浩大傳變多端愚
故採諸家傷寒另為一卷以統治之茲特以病

機屬於內因者條列於斯所以別內外以見先
賢用心有定宗又使後習調劑有定向也故首
著中寒而以雜症屬寒者亦隸焉

中寒

雜症附

丹溪曰中寒非傷寒可比傷寒乃外感寒邪必
發熱循經而入以漸而深熱雖甚不死中寒
者卒感受其病即發而暴此胃氣之大虛也
不急治去生甚遠速當溫補

生生子曰寒乃天地炭凝殺厲之氣惟躰虛乃

感之其症面青口噤四肢強直寧急疼痛甚則
昏迷不省人事脉多遲緊急宜以姜附湯溫之
或理中湯加附子治之雜症亦有寒者非若中
寒之猛而急也又或炎天避暑者乘風取涼或口
食生冷皆有寒症

劉守真病機曰諸病上下所出水液澄徹清冷下
痢清白吐痢腥穢食已不飢堅痞腹滿急痛癥
瘕癰疽屈伸不便厥逆禁固皆屬於寒

內經曰陰氣有餘為多汗身寒又曰陰盛則身寒
汗出身常清數慄而寒寒則厥

受寒甚者手足厥冷腹中絞痛唇青氣冷可急於
臍下三寸丹田穴上灸之或三五十壯或百壯
俟手足溫煖為度或用熨法亦可

姜附湯 治中寒口禁四肢強直失音不語忽然
暈倒口吐涎沫狀如暗風手足厥冷或復煩躁
蕪陰症傷寒大便利而發熱者

乾姜 五錢 熟附子 三錢

水二鍾煎八分作二次服

或慮此方太燥即以附子理中湯相繼服姜附
本治傷寒經下后又復發汗內外俱虛身無大
熱晝則煩躁夜則安靜不渴六脉沉伏並宜且
此不知脉者更宜審之兼治中脘虛寒久積
水心腹冷痛霍亂轉筋四肢厥逆
理中湯 治五臟中寒口噤失音四肢強直兼
胃脘停痰冷氣刺痛
人參 乾姜炮 甘草 白朮各二錢
水二鍾煎至一鍾不拘時服

加附子名附子理中湯

沉附湯 治虛寒無陽胃弱乾嘔

附子炮

乾姜炮 沉香

白朮 各二錢半

甘草

右分二服每服加生姜五片水二鍾煎八分
食遠服

生料五積散

治感冒寒邪頭痛身疼項強拘急

惡逆吐逆腹痛又治傷寒發熱頭痛惡風無問
內傷生冷外感風寒及寒濕客於經絡腰脚痠

痛及婦人經血不調或難產並治之

白芷七分半夏 厚朴 川芎

甘草 枳壳炒 茯苓 當歸

桔梗 乾姜炮 芍藥 肉桂各八分

麻黃 陳皮銕一蒼朮二錢

作一帖生姜三片葱白三莖水二鍾煎一鍾

不拘時服

正氣散 治傷寒陰症增寒惡風正氣逐冷

方見霍亂門

理氣治中湯 治寒氣攻心嘔逆心腹絞痛或泄

瀉四肢厥冷或疝氣攻築小腹疼痛並宜服之

青皮 陳皮 人參 白朮炒

炮姜 甘艸銕一木香七分

生姜三片水煎服

肉桂散 治傷寒服冷藥過多心腹滿脹四肢厥

冷昏沉不省人事變為陰毒惡症

肉桂 白朮 木香 厚朴

良姜銕三白芍 人參 陳皮

前胡

當歸

附子一炮

各

吳茱萸

五錢

每服五錢姜三片紅棗三枚水煎不拘時服

溫中湯 脉沉遲乃胃中寒也及胸膈滿悶身體

拘急手足逆冷急宜溫之

丁皮

厚朴各一

乾姜炮

白木

陳皮

丁香各一

右俱末每服二錢菝白湯調下

木附理中丸 治中寒急心腹痛

人參

附子炮

炮姜

白木

炙甘草

木香

丁香

各等分為末煉蜜為丸如梧子大每服六七

十九白湯食前送下

沉香桂附丸 治中寒心腹冷痛霍亂轉筋等症

沉香

附子炮

炮姜

良姜炒

官桂

茴香炒

川烏炮

去

吳茱萸

湯浸洗

各等分為末醋煮麵糊為丸梧子大每服五

七十九米飲下空心食前二次忌生冷

熨法 治三陰中寒一切虛冷厥逆嘔噦陰盛陽

虛及陰毒傷寒四肢厥冷臍腹痛咽喉疼嘔吐
下利身背強自汗脉沉細唇青面黑諸虛冷証
皆治

肥葱剉細 麥麩皮各三升 食鹽二兩

用水一大盞同和拌勻濕遍分作二次入鍋
同炒極熱用重絹縫作二包先將一包熱熨
臍上冷則易之菹包既冷再加鹽水拌濕炒
焦依前熨之再炒再熨至煤爛不用別另取
新菹麥麩皮入鹽日夜不住手相續至身軀

溫熱陽氣復回脉起為度

人參養胃湯 治外感寒邪內傷生冷

蒼朮 厚朴 半夏麩各二錢 人參

茯苓 草果 藿香各一錢 陳皮一錢二分

甘草各五分

姜三片烏梅半個水煎服

薑桂散 溫中散寒

乾姜 良姜各半錢 桂心 木香

半夏麩 炙甘草各一錢

姜五片紅棗三枚水煎服

東垣謂陰氣上溢於陽分則晝寒陰血自旺於陰

分則夜寒氣分寒桂枝加附子湯桂枝加芍

藥人參湯血分寒巴戟丸神珠丸

桂枝加附子湯治太陽病發汗遂漏不止惡風

小便難四肢微急難以屈伸

桂枝 芍藥各一兩半 甘草一兩 附子炮半個

每服五錢姜四片棗一枚水一鍾半煎七分

桂枝加芍藥生姜人參湯治發汗後身痛脈沉

遲

桂枝 人參各一兩半 芍藥 甘草各一兩

煎法如上

巴戟丸 治肝腎俱虛收領精氣補真戢陽進美

飲食 白朮 五味 巴戟

覆盆子 茴香 熟地 人參

茯苓 兔絲子 牡蠣 益智仁

骨碎補 白龍骨各等分

為末煉蜜丸梧子大每服二十九食前米飲

下日三服

神珠丸 治下焦元氣虛弱小腹冷痛皮膚燥澀

小水自利足脘寒而逆 又名離珠丹

杜仲兩炒三訶子炮五枚草薢二兩龍骨一兩

破故帛兩三兩胡桃去皮百枚硃砂另研一兩砂仁半兩

為末酒糊為丸梧子六硃砂為衣每服三十

丸空心酒下見麻絃數及細者皆不可服詳

王海藏治三焦寒用藥大例

上焦寒 陳皮 厚朴 藿香 皆可治之

中焦寒大小便不通白朮乾姜丁香皆可治之

下焦寒 肉桂 附子 沉香

上焦寒

鉄刷湯 治積寒痰飲嘔吐不止胸膈不快飲食

不下 半夏四錢草薢仁 丁香

乾姜 訶子皮各錢生姜一兩

大吐不止加附子三錢生姜半兩分二服水煎

桂附丸 治寒邪冷氣入乘經絡令人卒心痛或

引背脊

川烏 黑附 各炮姜 赤石脂

川椒 去目 桂心 各二兩

右為末蜜丸梧子大每服三十九丸不止加至

五十九丸溫水吞

胡椒理中丸 治脾胃虛寒咳嗽喘嘔痰水

胡椒 甘草 欵花 華撥

良姜 細辛 陳皮 乾姜 各四兩

白朮 五兩

為末蜜丸梧子大每三十九丸至五十九丸溫水

或酒任下

中焦寒

附子理中丸 治脾胃冷弱心腹疔痛嘔吐瀉利

霍亂轉筋體冷微汗滿悶腹鳴飲食不進

即前理中湯加附子為末用煉蜜丸梧子大每

服三十九丸溫水下

二氣丹 助陽退陰治裡寒心腹刺痛泄利嘔吐

自汗厥冷小便不禁霍亂轉筋久下冷利

硫黃 桂心 各一兩 炮姜 二錢 黑附子 炮半兩

硃砂二錢

為末麪糊丸梧子大每服三十九空心煎艾湯入鹽送下

大建中湯 治內虛少氣厥冷大小腹絃急不能食起則微汗陰縮口唇乾燥精滑自出或手足乍寒乍熱而煩冤痠痛不能久立常多夢遺

黃芪

當歸

桂心

芍藥

各二錢

人參

甘草

各一錢

半夏

黑附子

炮各二錢半

每服五錢姜三片棗二枚水煎服

下焦寒

張仲景八味丸

補腎之不足

還少丹 大補心腎脾胃治一切虛損肢躰倦怠

小便混濁

山藥

牛膝

遠志

巴戟

山茱萸

杜仲

茯苓

楮實子

五味子

茯苓

石菖蒲

茴香

各一兩

枸杞

熟地

各二兩

為末棗膏搗為丸梧子大空心食前溫酒鹽

湯任下三五十九日三〇有熱加山梔一兩

○心氣不寧加麥冬一兩○精神少再加五味子一兩○陽弱加續斷一兩

天真丹 治下焦陽虛

沉香 茴香 萆薢酒浸 巴戟酒浸去心

破故帛炒 葫蘆巴炒 杜仲鹽水 黑牽牛鹽水炒

琥珀 桂心各五錢

右為末浸酒打糊為丸梧子大空心酒下五十丸

通治三焦甚寒之氣

大已寒丸 治臟腑虛冷心腹疴痛泄瀉腸鳴自

利自汗米穀不化手足厥冷

萆扒 桂心各六兩半 炮姜 良姜各十兩

右為末麵糊丸梧子大每服二十九食前米飲下

四逆湯 傷寒自利下渴嘔噦不止或吐利俱發

小便或澁或利或汗厥冷脉微欲絕

炙甘草二兩 炮姜半兩 附子半兩

每服三四錢水一鍾半煎七分溫服

海藏治下焦寒四逆湯例乾姜味苦止而不行
附子味辛行而不守泄小便不通二藥皆陽氣
化能作小便若姜附木三味內加茯苓以分利
之為佳附生用而不炮則無火力熱則行而不
止兼用水多煎少則味厚而直入下焦

治五臟寒方

肝寒雙和散

心寒定志丸菖蒲丸

脾寒益黃丸

肺寒小青龍湯

腎寒八味丸

東垣復和散

補血益氣治虛勞少力

黃芪

熟地

當歸

川芎

官桂

甘草各七

白芍一錢

姜六片大棗六枚分二服水煎服無時

東垣曰此方予每治傷寒瘧疾中暑大病之後
虛勞氣乏者以此調治極驗不熱不冷溫而有
補乃建中四物二方化而為一也

益黃散

陳皮

一兩青皮

訶子肉

炙甘草各半兩

丁香 二錢

右為末每服二三錢水煎服海藏云此劑瀉脾以燥濕

姜附湯 加麻黃白朮人參甘草等分名附子麻

黃湯治中寒濕昏暈緩弱腰脊強急口眼喎斜

語聲渾濁胸腹脹氣上喘急不能轉動兼宜

審而用之

代灸膏 治老人衰弱元氣虛冷臟腑虛滑腰脚

冷痛沉重減食手足逆冷不能忍者用此代灸

其効不能盡述

大附子炮 吳茱萸 桂皮 木香各半

蛇床子研 馬藺草各一兩

為細末每用藥半匙生姜汁半盞白麵半匙

同煎成膏攤於帛上臨臥貼臍以油帛覆其

上綿衣繫之自夜至明乃去每夜如此其腰

腹如灸能除寒積若腰痛貼腰眼

霹靂散 乃正治溫散之劑

附子一枚炮熟取出用冷灰窰之良久取出研

末入真臈茶一大錢同和分二服每服水一盞

煎六分臨熟入蜜半匙放溫服之

寒中

東垣曰夫脾胃之症始則熱中終傳寒中經云陰盛生內寒厥氣上逆寒積於胸中是腎水反來侮土此謂所勝者妄行或作中滿腹脹或作涎涕或足下痛不能任身履地骨之無力喜睡兩丸多冷時作陰、而痛或妄見鬼狀夜夢亡人腰脊背胛俱痛而不渴不瀉此濕氣去而寒獨存血絡凝泣故其脈盛大以濇名曰寒中以白

術附子湯治之

白朮附子湯 治寒中諸症

白朮

附子炮

陳皮

蒼朮

炒

厚朴制

半夏

茯苓

澤瀉各

兩

猪苓

半兩 桂心 四錢

每服五錢生姜三片水煎服

量虛實加減

背寒

仲景云心下有留飲其人背惡寒冷如冰治法茯苓丸之類是也 即千金化痰丸

身煎寒

經云胃足陽明之脉氣虛則身以前皆寒慄治法百鍼補三里穴是也

掌中寒者腹中寒魚上白肉有青血脉者是胃中

有寒也理中湯之類

惡寒

丹溪曰久病惡寒當用解鬱○濕痰積中抑遏陽氣不得外泄身必惡寒○惡寒非寒明是熱症進士周年近四十得惡寒症服附子數百帖而病

甚脉絃而緩遂以江茶入生姜汁香油些少調飲之吐痰一升許減大半又與通聖散去麻黃大黃芒硝加當歸地黃百帖而安

一女子惡寒用苦參赤小豆各一錢為末薑水調飲之吐痰甚多繼用後藥調理

川芎

南星

蒼朮

黃芩

酒打麴糊丸服

上焦不通則陽氣抑遏而皮膚分肉無以溫之故寒慄東垣升陽益胃湯用升發之劑開發上

焦以伸陽明之氣出於表而溫之也丹溪吐出
濕痰亦開發上焦使陽氣隨吐伸發出外而溫
之也故寒慄皆愈二者乃治陽虛表寒之要
王海藏治一婦先病惡寒手足冷全不發熱脉八
至兩脇微痛治者便作少陽治之陽在內伏於
骨髓陰在外致使發寒治當不從內外從乎中
治也宜以小柴胡調之倍加姜棗

丹溪治一婦年近六十六月內常覺惡寒戰慄喜
裂火御綿汗時如雨形肥肌厚已服附子十餘

帖渾身痒甚兩手脉沉濇重取稍大知其熱甚
而血虛也以四物去川芎倍地黄加白朮黃芪
炒黃栢生甘草人參每服一兩重始煎一帖飲
之腹大泄目無視口無言知其病勢深而藥無
反佐之過也仍以前藥熟炒與之蓋借火力為
向導一帖利止四帖精神回十貼病全安

又蔣氏婦年三十餘形瘦面黑六月喜熱惡寒兩
手脉沉而濇重取則數以三黃丸下之以姜湯
每服三十九二十帖微汗而安

又云三補丸亦

六宮詹少溪吳馭閱校

卷二

三



